

24 января
1941 года
№ 7 (152)

Номерлан дуныз 5 коп.

ВЫЛЬ УЛОН

3-ти АРЗЭ ПОТЭ

ВКП(б)-лэн УАССР-ысь
Понино Райкомезлэн
но Райсоветлэн
газеты.

Паськытатом XVIII-ти Всесоюзной партконференцилэн нимыныз нимама соревнованиез

Советской странаысь трудящейёс бадзым политической но производственной под'ёмен пумитаны дасясько XVIII-ти Всесоюзной партийной конференциез. Завод'ёсын ужасьёс, колхозник'ёс, интеллигенциос ас вылазы конкретной обязательствоос бас'тыса ВКП(б)-лэн XVIII-ти Всесоюзной конференцилэн нимыныз нимама социалистической соревнование пырысько.

Асьме районысь но трудящейёс жутскем мылкыдэн пумитазы ВКП(б) лэн Центральной Комитетэзлэсь XVIII-ти Всесоюзной партконференциез ётён сярысь сообщениез. Тани Понинской МТС-ысь тракторист'ёс, комбайнер'ёс но механик'ёс (ремонтын ужасьёс) XVIII партийной конференцилэн нимыныз нимама социалистической соревнование пырыськыса, соос аслаз вылазы обязательство бас'тызы: 15 февраль азелы 80 процентлы трактор'ёсты отремонтировать карыны, та толэзын 100 процентлы плуг'ёсты, селякосты, культиватор'ёсты тупат'яса быдэстыны. Понинской льнозаводысь ужасьёс вылазы обязательство бас'тызы Всесоюзной партийной конференциез производственной под'ёмен пумитаны. Али татын ужасьёс пöлын соревнование вöлмемын; сменаен смена шошатскыса ужало, нормазэс 130-140 процентлы быдэс'яло.

Озы ик куд-ог колхоз'ёсысь колхозник'ёс жутскем мылкыдэн тулыс ю кизён азе дасяськоннын по-большевицки ужало. Усть Пышкец, Весакар, Симашур колхоз ёс вуоно арын выльыко урожай бас'тон понна нюр'ясько, ю кидыс тырмыт кистэмын сортировать карыса, сельхозинвентарь тупат'яса быдэстэмын.

Таин шош верано луэ, что районысьтымы тросэз колхоз'ёс палэнын на та бадзым политически важной кампани-

лэсь. Тани Коршевихинской, Дондыкарской сельсовет'ёсын XVIII партийной конференциез производственной возматон'ёсын пумитаны вылысь одйг колхозын но обязательствоос бас'тымтэ, колхоз'ёс, бригадаос куспын социалистической соревнование организовать карымтэ. Тросаз колхоз'ёсын тулыс кизён азе дасяськэн, пудоосты утялтон но мукет уж'ёс ляз пуктэмын на, вуоно арын выль урожай бас'тон понна нюр'яськон уг адскы. Озын Я ошур, Матеяг, Полом колхоз'ёсын ю кидыс уг окмы, нош сое шедьтон почна нокин, номер уг каро, одйг килограмм но удобринос но вайымтэ на. Пудо вордон уж но районысь колхоз'ёсын уш'яськымон өвөл пуктэмын. Куд-ог колхоз'ёсын пинал пудоез утялтон кулэз'я пуктымтэ, соин сэрэн из'яныны но шедьыло.

Районысь вань колхоз'ёслы, рабочийёслы служащейёслы ВКП(б) лэсь XVIII Всесоюзной партийной конференциез вылэсь производственной вормон'ёсын пумитан понна нюр'яськоно. Со лы понна колхоз'ёслэн правлениоссылы, учреждениослэн но предприятияслэн кивалт'ясьёслы мобилизовать кароно колхозник'ёсты, вань ужасьёсты, чтобы котыкычужын соревнование мед вöлмоз. Нош партийной, комсомольской организациослэн, совет'ёслэн задаказы нуналлы быдэ соцсоревнованиен кивалтон, соревнование вань колхоз'ёсты, пудо вордон фермаосты но мукет предприятиясты вовлеч кароно.

Та соревнование направить каремын луыны кулэ урожайностез жутон понна, ужлэсь производительностьэ жутон но трудовой дисциплинаез юнматон понна.

Озы XVIII Всесоюзной партийной конференциез выль производственной вормон'ёсын пумиталомы!

Вань ужась кужымез нюлэс дасянэ

Нырысетй кварталлэсь нюлэс дасянын но вортгонын государственной планэз быдэстыны понна, СССР-лэн Совнаркомезлэн но ВКП(б) лэн ЦК-езлэн 17 января туэ арын потэм постановленизья 23 январьысен 1 апрелэз нюлэскын ужаны трудовой но гужевой повинность ввести каремын, кудаз ужано луо колхозник'ёс но единоличник'ёс: пиос'ёс 18-ысен 50 арескоз, нылкышноос 18 ысен 45 арескоз.

Асьме районлы план сэтэмын та кварталын 11 сюрс ф. м. кораны но 13 сюрс ф. м. вортгыны. Та план 15 мартозь 100 процентлы тырмытэмын луыны кулэ. Соин ик али сельсполком'ёслэн но колхоз'ёслэн председател'ёсылэн задаказы—довести карыны план каждой трудоспособнойлы 100 кубометр нюлэс коран, сэтэм план'я валэн но пыдын ужась кужымез орга-

низованно келяно нюлэске. Нюлэске мынысь калык бордазы бас'тоно луо инструмент (тыр, пила), аслэзы продукта но вал'ёслы фураж, нош нюлэскын ужась кужымез отрывать каремлэсь, колхоз председател'ёс организовать кароно луо соослы продукт но вал'ёслы фураж ворттонэз, со лы понна вис'яно нимаз калык но вал.

Лесозаготовительной организациослэн задаказы—обеспечить карыны ужась кужымез квартираен, обслуживающей персоналэн (мастер'ёсын, бракер'ёсын), куд'ёсыз выль возлагаться карыське ужась кужымез шонер пукгон но организовать карон. Озы ик обеспечить кароно культурно-массовой обслуживаниен.

Кулэ вераны, что трудгужповинностьын ужасьлы озы ик ужам дун тырыське но вань преимущество сёт'яське.



К. Е. Ворошилов ВКП(б)-лэн XVII с'ездэзлэн трибунаяз (январь 1934 ар).

ИНТЫЫСЬ СЫР'ЁЛЭСЬ ТРОСЭН КУЛЭ ЛУИСЬ ВУЗ'ЁСТЫ ПОТТОХЭЗ ПАСЬКЫТАНО

СССР лэн Совнаркомезлэн но ВКП(б) ЦК лэн 9 января 1941 арын потэм постановлениез будэтонлы туж бадзымез луонлык'ёс ус'ятэ, тросэн кулэ луйсь вуз'ёсты поттон ужын инициативаез жутэ. Район азе пуктэ задача выдэсак но валаса использовать карыны интыысь сыр'ёез.

Асьме районымы 1940 арын освоить карем мастерскойёс: мебельно-обозной, кожеенно-овчинной, валяльно войлочной. Та предприятиос туж ляз ужало на, тросэн кулэ луйсь вуз'ёсты ичи потто, лэсьтэм продукцизы уль качеством луэ.

1941 арын чутрак умятоно луэ та ужез. Со лы котыкычэ луонлык'ёс вань. Трос лылды поттэмын луоз обозной инвентарь (пудэдыос, кошавкаос, уробоос трос пöртэм мебель), лэсьтэмын луоз 200 пара куас. Озы ик наметить каремын организовать карыны гончарной производство, кирпичной завод, чыры-пыры домашней вуз'ёсты лэсьтон:

пуньыос, сарваос, корзинкаос но мукет. Луоз организовать каремын смазочной мазь но тэкич пöсьтон.

Со сяна туэ арын ик наметить каремын продовольственной база кылдытыны. Со лы понна кулэ: парсьёсты сюдон пуктыны, ичизэ вераса 5 тонна чорыг кутыны (бригада рыбаков организоваться карыськоз). Али план сёт'яське—райполы 100 йыр, маслозаводлы—30 йыр но больницы 10 йыр парсь сюдынь Таин шош умятэмын луынь кулэ бакча сион ёслэсь, узы-борыослэсь, губиослэсь сыр'ёвой ресурс'ёссэс дасян но переработать карон. Районысьтымы вань колхоз'ёсын пуктоно пчеловодство но птицеводство, рыбководство но мукет продуктоосты дасянез. Куд'ёсыз быдэсак мынозы асьме районысь трудящейёслэн кулэяськыназы.

Та задача—районысь вань трудящейёслэн задаказы. Со лы понна большевистской кивалтон но настойчивость кулэ.
В. Зорин.

МУКЕТ КУНЬЁСЫН

Рузвельт президентлэн постаз

султис

20 января ортчиз США-лэн президентэзлэн постаз Рузвельтлэн султонэзлы торжественной церемония. Та поста со 1940 арын ноябре борьбысь кувиньметй ползэ быр'ежын вал. Церемония дыр'я Рузвельт речен выступить карыз.

—О—

Гитлерлэн Муссолиниен пумиськонэз

Кызы ивортэ германской информационной бюро, 20 января Гитлерлэн Муссолиниен пумиськонэз ортчиз. Существующий положениез подробно обсудить карыса, Гитлер но Муссолини ваньмыз'я вопросёсья быдэсак соглашение вуазы.

(ТАСС).



Германской легкой зенитной орудие Остенде районысь бельгийской ярдурн. Фотоэз ТА СС-лэн.

Избирательлы юрттон

Мае тодыны кулэ избирательлы

Арня нуналэ 26 января чукна 6 часын, Глазовской, Сарапульской но Яшур-Бодьинской избирательной округ'ёсын кутскоз коммунист'ёслэн но беспартийной лэн сталинской блоксылэн кандидат ёсыз понна голосовать карон.

Избирательной участке мыныны потыкыз, СССР-лэн Верховной Советаз быр'ён ёс сярысь Положениэн 78-ти статьяез'я, котыкуд избирательлы бордаз бас'тоно но участковой избирательной комиссилен секретарезлы возматонно яке паспортэ, яке колхозной книжказэ, яке профсоюзной билетэ, либо мукетсэ, аслэсьтыз личностэз оскыт'ясь документсэ. Избирательёслэн списоксыя эскерем но отчы пус'ем бере, избирательлы сёт'яське избирательной бюллетень.

Кычась луозы бюллетеньёс Глазовской но Сарапульской избирательной округ'ёсын избирательёс б'с'тозы быдэн одйг бюллетень. Со бюллетень тодыны луоз. Бюллетене гож'ямын луозы СССР-лэн Верховной Советэзлэн Союзэзлэн Советаз депутатэ кандидат ёслэн фамилиоссы, окружной избирательной комиссиосын зарегистрировать карем'ёсызлэн: 360 номеро Глазовской избирательной округ'я—Удмуртской АССР-лэн Верховной Советэзлэн Президиумезлэн Председателезлэн Аремий Ефимович Павлов эш'тэн, 161 номеро Сарапуль к'я округ'я—ВКП(б)-лэн Удмуртской Обкомезлэн секретарезлэн Анатолий Петрович Чекинов эш'лэн.

Кызы мыноз голосовать карон Участковой избирательной комиссиос 26 января чукна чапак 6 часысен ужаны кутскозы но ужэс уйшоре 12 часын быдэстозы. Избирательлы право сётэмын, со дыр куспын котыкычэ часэ избирательлы аслыз тупам'я мыныса голосованын участвовать карыны.

Избирательной комиссилен жöк'ёсыз дорын огеды-огед люкетон'ёслэсь но черод'ёслэсь кылдонзэс лэ ёнтэм понна, избиратель бюллетеньёс сёт'ян комнатае пырем безаз шедьтоно луэ ас фамилиеэзлэн нырысь букваеныз указателз. Соя со мынэ но отысь бюллетень бас'ятэ.

Котыкуд избирательлы тодаз возёно, что со лы бюллетень вылэ ноқычэ саптан'ёс, гож'ян'ёс лэсьтыны уг яра. Сычэ бюллетень зэмен уз лыд'яськыны.

СССР-лэн Верховной Советэзлэн Президиумезлэн 1940 арын 11 ноябре Указэз'я, бюллетеньёс конвертэк сёт'яськозы.

Котыкудиз избиратель кычэ ке муген кошке ке участкосы, кудаз со гожтэмын списокын, округе-а кошке, кудаз быр'ён'ёс луозы, яке мукет интые а, аслаз Советэзлэн исполкомысьтыз бас'тоно луэ "Голосовать карон праволы удостоверение".

КОЛХОЗ'ЁСЫН ТУЛЫС Ю КИЗЁН АЗЕ ДАСЯСЬКОН



Дальневосточной фронты Н-ской частысытыз младшой командир'ёс (паллянысен буре): ВКП(б) членэ кандидат'ёс В. Г. Зотов, А. В. Барсуков, К. Н. Максимов но И. Г. Богомолов „ВКП(б) лэн историезлэсь Краткой курсэ“ изучат карыса быдэстэм'ёс марксизмлэсь—ленинизм—лэсь первоисточник'ёсэс изучат каро.

Отчетно-выборной собраниос бере

Асьме районысь комсомольской организациосын отчетно-выборной собраниос бере уж копак воштыськиз. Комсомольской организациосын регулярно кутскиз ортчтыськыны комсомольской собраниос но комсомолец'ёслы нимаз-нимаз поручениос сёт'ясыкыны. Активно кутскизы реализовать карыны ВЛКСМ-лэн Центральной Комитетэзлэн XI пленумезлэсь решенизэ. Тани Почашевской НСШ-ысь первичной комсомольской организациосын (секретарез Н. А. Адаева эш), Дондыкарын (секретарез Максимова эш), Бадзымшурской (секретарез Н. П. Баженов эш), Усть-Пышкецкой (секретарез Ю. Н. Симанов эш), регулярно ортчы'яло комсомольской собраниосы, собраниосын обсуждат каро хозяйственно 11 политической вопрос'ёсты.

Озы ик куд-ог комсомольской организациосын умой кутскиз егит калыкез комсомолэ кутон уж но мыныны. Кылсярысь, Усть-Пышкецкой комсомольской организациосын 1940 арын сентябрь толэззысен 13 мурт егит пиосты но ныл'ёсты комсомолэ пыртэмьн, Слудской НСШ-ысь первичной комсомольской организациосын (секретарез Р. П. Баженов) 6 мурт комсомолэ пыртэмьн.

Вылй гожтэм, азинскон'ёсын

чош ик комсомольской организациосын трос тырмымтэосыз но вань на. Куд-ог первичной комсомольской организациосын секретарьёссы комсомолец'ёсынызы кивалтоньн аслэстыз ответственностьсэс, уг шодо, комсомолэ кутон ужез вунэйтзы. Кылсярысь, Кельдыковской первичной КСМ организациосын — секретарез В. М. Сизов, Паоговской первичной КСМ организациосын — секретарез А. М. Третьякова, В-Богатыркаын секретарез А. А. Золотарева 1940 арын сентябрь толэззысен одйг егит муртэз но комсомолэ оз пыртэ, нош егит калык татыну, куд'ёсыз комсомолец луныны достойнось, озы ик комсомольской собраниос но регулярно уг ортчы'яско. Та'че ик уж торгово-заготовительной первичной КСМ организациосын но ш о д с к е секретарез Чупин С. Я. отчетно-выборной собраниос бере одйг комсомольской собраниос но оз ка орчты.

Асьмеос тодйськомы, что комсомольской собраниос-со комсомолец'ёс пöлын воспитательной уж, озы бере, выль гожтэм урод практикаосты азыланэ тупатонэ луоз, комсомольской собраниосы толэзяз 2 поллэсь ичи овёл ортчы'яно, озы ик овёл вунэтно комсомолэ пыртон ужез но.

Л. Захаров.

Урожай жутоно понна большевистской нюр'яськон кулэ

1940 арын быдэс районмы 9,4 центнер котькуд гектарысь ю тысья урожай басьтйз. Ме'чак вераны кулэ, что колхоз'ёсын вэнь агротехнической мероприятиосты быдэс'яса талэсь но вылтйгес урожай басьтысал вал.

1941 арын урожай басьтоно луйськомы котькуд гектарысь: ю тысь 13 центнер, этйн мертчан—3,5, картофа—120 центнер. Вань-а та'че урожай басьтонлы луонлык? Луонлык вань. Соны понна котькы'че условиос кылдытэмьн парти но правительство ласянь. Асьмелэн вань машинно-тракторной станцимы, кудйз основной кужымен лядяське урожаез жутонын. Правительство миллион тоннаос минеральной удобринос арлы быдэ лэзе, сельско хозяйственной вредительёсын нюр'яськыны портэмлык ядохимикат'ёс лэзе. Животноводствоёз развить карыса, интыысь кыедэз умой дасяса но валаса использовать карыса куиньполэс трос кыед почвае внести карыны можно.

Урожай понна нюр'яськоньн бадзым инты басьтэ звенье вой методэн ужан, ужась кужымез шонер уже кутон но мукет. Выль гожтэм луонлык'ёс районысь ваньмаз колхоз'ёсын вань. Соны кулэ только большевистской настойчивость но валаса кивалтон.

Озы ке но куд-ог колхоз'ёсысь кивалтйсьёс та дырозь оз на валалэ сы'че луонлык'ёсты, урожаез жутоно понна ляб нюр'ясько. 20 январь азелы басьтыса 73 колхоз пö-

лысь 12 колхоз гинэ минеральной удобриности ваизыни, тросэз колхоз'ёс одйг килограмм но оз на ваелэ. Адам, Солдырь, Турай, Понино, Коршевино колхоз'ёсысь кивалтйсьёс ялам медыса но обещатся карыськыса уло, нош ужез номыре но уг лэсьто та удысын.

Госсортфондысь кидыс воштонлы правительствоен пунктэм срок'ёс ортчизы ни, нош 20 январёз одйг килограмм но воштытэ на. Изошур колхозысь кивалтйсьёс, кидысэз жожен воштон интые, нарядэс но ыштыллямзы. Ляб пунктэмьн кидыс сортировать карон, 22000 центнер проверить карем кидыс пöлысь 19700 центнерез некондиционной. Пóлом колхозлэн председателез Шудегов формально сортировать каронлы относиться карыськиз, одйг килограмм йды пöлысь 1250 штука сорняк кидыс шедьтэмьн.

Вераны кулэ, что Бадзымшурской сельсоветлэн председателез—Васильев уг тоды колхоз'ёсын тулыс кизён азе дасяськонлэн мынэмез сярись, кöня пень люкамын, кыед лудэ поттэмьн сое но уг тоды-

Туннэ нунал азелы район. ысьтымы одйг колхоз но тулыс ю кизён азелы быдэсак дась овёл на. Та ужын медонлы пум поныны кулэ. ВКП(б)-лэн 18-тй с'ездэзлэсь 8 миллиард ю тысь басьтон сярись решенизэ ужвылын быдэстоно.

И. Филиппов,

райзолэн главной агрономез.

Азымынйсьёслэсь пример басьтоно

Адамской сельсоветысь Весякар колхоз тулыс ю кизён азе умой дасяське. Сельхозинвентарь, сиес тырлык'ёс ремонтировать карыса быдэстэмьн, ю кидыс тырмыт сортировать карыса кысьтэмьн көс местае, озы ик кыед поттон умой мынэ.

Таин чош верано, что Заболотн, Адам, Солдырь колхоз'ёсын кизён азе дасяськон чиданы луонтэм ляб пунктэмьн. Та колхоз'ёсын плуг'ёс, усыос жыныез но тупат'ямтэ на. Адам колхозын 30 плугысь б-ез гинэ лэсьтэмьн ни. Нош Солдырь но Заболотн колхоз'ёсын сиес тырлык'ёсты тупат'яны али но кутскымтэ на. Кидыс триеровать карон но ляб пунктэмьн.

Бере кылысь колхоз'ёслэн кивалтйсьёссылы азымынйсьёслэсь пример басьтоно но та удысын бере кылэнэз быдтоно.

Максимов.

—О—

8 колхоз'ёсын звеноос кылдытэмьн

Почашевской сельсоветысь 8 колхоз'ёсын выль урожаё звеноос кылдытэмьн. Озы Паслоково колхозын 6 звено организовать каремын, али таос аслэзы ужаны но агрономической мероприятиосты ортчы'яны план лэсьтыло. В. А. Агафоновлэн звенояз 11 мурт пыро. Куд'ёсыз вылазы обязательство басьтызы 13 гектарысь котькуд гектарлы быдэ 17 центнер сезы басьтыны.

Та звеноос одйг-огенызы чошатскыны вылысь кустпазы социалистической договор'ёс гожтызы.

Дмитрьев,
уч. агроном.

Нырысь занятиос активно ортчизы

Районысьтымы коммунист'ёслы но комсомолец'ёслы военной учеба организовать каремын. Нырысь занятиос туж организованно ортчизы, тросэз коммунист'ёс активно участвовать карызы.

Нош берло кык занятиосы 50 процентлы сянэ коммунист'ёс но комсомолец'ёс оз люкаскыла. Куд-огез коммунист'ёс военной учебаез кулээн но уг лыд'яло. Озы Максимов Н., Алексеев, Поздеев К. И. но куд-ог мукет'ёсыз коммунист'ёс „милем военной учеба обязательноеен уг луы“ шуо.

Первичной парторганизациослэн секретарьёссылы учебаез посещать карысьтэм коммунист'ёс вылэ партийной взыскание кутонэ.

Вахрушев.

Врид. редактора Н. Баженов.

КОММУНИЗМ ПОННА НЮР'ЯСЬКИСЬ

Куать ар талэсь, азыдо 1935 арын 25 январе, партия, рабочий класс ыштызы синмаьскымон пролетарской революционерез, Ленинлэсь но Сталинлэсь верной ученикэ но соратниксэс—Валериан Владимирович Куйбышев.

Куйбышев кулйз аслаз улонэзлэн 47-тй араз.

Куинь ар орчтыса, Куйбышевлэн ма бордысен кулэмез тодмо луиз. Сое шайгуэ вуттызы троцкистско-бухаринской изверг'ёслэн бандазы.

В. В. Куйбышев вал вуж большевик'ёс пöлысь одйгез. Со революционной уж борды кутске 14 арескысен ик революционной подпольелэн туж секыт условиосаз. Куйбышев 8 пол арестовать каремын вал, ныйль пол сылкаын вал. Турма но сылка — сычеесь вал Куйбышевлэн „университет'ёсыз“.

1917 арын февральской революция Куйбышевез берлогысьтыз—сылкаысь мозмытйз



В. В. Куйбышев

Со луэ большевистской партилэн социалистической революционерез дасян'я кивалтйсь ужасьёсыз пöлысь одйгеныз. Сөбере пролетарской революционер но гражданской войнаэн талантливой полководцеёз.

Йылпум'ясыкиз гражданской война. Страна мирной положение потйз. Кулэ вал народный хозяйствозеэ восстановить карыны. И партия Куйбышевез выдвигать каре самой ответственной пост'ёсы, кытын кулэ лубыны социалистической революционерез ужезлы мур преданность.

Партилен X-тй с'ездэз В. В. Куйбышев Центральной Комитетлэн составаз бырыське. 1922-23 ар'ёсын—со ВКП(б) лэн ЦК езлэн секретарез 1923-26 ар'ёсын ЦКК—РКИ-лэн кивалтйсьез. Куйбышев нуэ непримиримой нюр'яськон партилен вань тушмон'ёсызлы

пумит—троцкист'ёслы, зиновьевец'ёслы, контрреволюционной буржуазной националист'ёслы пумит.

РКИ-лэн наркомез лубыса ужанэз Куйбышевлэн народной хозяйствозеэ вань отрасльёсэ мур изучать карыны луонлык сётйз. И куке 1926 арын Ф. Э. Дзержинский кулйз, Куйбышев ВСНХ-лы председателе назначить каремын вал.

1930 арлэн пумысеныз В. В. Куйбышев Госпланлэн уженыз кивалтэ. Со, партилен заданиез'я, кыктэти сталинской пятилеткалэсь планэз лэсьтон борды кутске. Куйбышев Народной Комиссар'ёслэн Советсылэн но Труделэн но Обороналэн Советэзлэн председателезлэн нырысетй заместителеныз вал, Советской Контрольлэн Комиссиезлэн председателеныз, ВКП(б) ЦК-лэн Политбюроезлэн членэз вал.